



## FA'ASILASILAGA FA'ALAU'ITELE 1 IULAI 2026

### Tau o le Suau'u mo le Masina o IULAI, 2026

I le ava tele, ua fa'alauiloaina atu tau fou o le suau'u e āfua atu i le **Aso 1 o IULAI, 2026**.

Na saunoa le Afioga i le Minisita, o le a si'itia le tau o le penisini, ae o le a pa'ū le tau o le tiso ma le karasini i le masina o Iulai;

- **Penisini:** si'itia i le 1.7 le sene per lita, mai le \$3.99 i le \$4.00
- **Tiso:** pa'ū i le 82.3 sene i le lita mai le \$5.31 i le \$4.48
- **Karasini:** pa'ū le 100.1 sene i le lita mai le \$5.02 i le \$4.02

O le pa'ū o tau o le **Tiso ma le Karasini (Jet/Kerosene)** ua mafua ona ua aveese totogi fa'aopoopo/lafoga (premiums) sa totogi e le aufa'atau mo nei oloa i le masina o Aperila. O le tau o le Penisini e le'i aofia ai nei totogi fa'aopoopo, ma o lea ua tumau pea lona faatulagana i tau sa iai ia suau'u fa'atauina i le masina o Aperila.

O le maliega autasi i le va o Amerika ma Irani o le aso 18 Iuni 2026, sa faailoa mai ai ni taiala mo le toe tatalaina o le alavaa o Strait of Hormuz ma faavavevave ai ona faamuta lenei taua, e aofia ai ma vevesiaiga i Lapanona. O le a faia ni faatalanoaga i le va o nei atunuu tetele, ina ia fa'amuta uma nei vevesiaiga i totonu o le 60 aso.


O le maketi mo oloa suauu e le i faamamaina ma suauu ua faamamaina o le a iai pea i se tulaga ma'aleale i masina o lumanai. O lo'o a fa'auau pea ona galulue le Matagaluega o Tupe faatasi ma le PPS, ma le Exxon Mobil, i le sapolai o le suau'u, lea o lo'o fuafua le isi vaa suauu e taunu'u mai i le fa'aiuga o le vaiaso lenei, ma le ogatotonu o Aukuso.

#### **Tau Fou Suau'u i Pamu Penisini** **IULAI 1- 31, 2026**

Penisini	\$4.00 i le lita
Tiso	\$4.48 i le lita
Kerosene	\$4.02 i le lita



**Tau Si'iatoga Oloa Suauu mo Aukuso 2025 - Iulai 2026**



Mulipola Anarosa Ale-Molio'o  
**MINISITA O TUPE**